



## Community Accelerator Grant FAQ ng Aplikasyon

Ikinalulugod ng ArtsFund na ianunsiyo ang programang 2024 Community Accelerator Grant (Gawad na Pampatulin sa Komunidad), na magbibigay ng \$10 milyong grant na walang restriksiyon sa mga organisasyong pangkultura sa buong Estado ng Washington sa halagang \$2,500 hanggang \$25,000. Sa tulong ng pondo, mabibigyan ng kailangang kapital ang mga organisasyong pangkultura ng Washington, kasama na ang mga organisasyong may piskal na sponsor at mga pantribong entidad, na ang mga pangunahing misyon ay gumawa o sumuporta sa mga aktibidad na pansining at pangkultura.

Ang pangalawang taon ng Community Accelerator Grant, na pinopondohan ng Paul G. Allen Family Foundation, ay ipinagpapatuloy nang nakaayon sa makabagong 2023 pilot ng programang ito, na nagbigay ng kabuoang \$10 milyon sa 671 organisasyon at patuloy na magbibigay-prioridad sa mga organisasyong nakasentro sa Black, Indigenous, and other People of Color (BIPOC, Itim, Katutubo, at iba pang Taong may Kulay), Lesbian, Gay, Bisexual, Transgender, and Queer+ (LGBTQ+, Lesbiana, Bakla, Bisexual, Transgender, Queer, at iba pa), at mga taong may mga kapansanan, at mga organisasyong matatagpuan sa mga komunidad sa kanayunan. Walang restriksiyon ang mga paggawad, at ang mga recipient na organisasyon ay papayagang gamitin ang pondo sa mga paraang pagpapasyahan nila at bibigyang-prioridad upang makagawa ng pinakamalaking epekto.

Ipo-post ang link para sa aplikasyon sa [web page ng Community Accelerator Grant](#) nang **12:00 ng tanghali sa Pebrero 5**. Ang deadline sa pag-apply ay **5:00 p.m. sa Marso 5**. Pag-aralan ang FAQ na nasa ibaba bago mag-apply at makipag-ugnayan sa [accelerator@artsfund.org](mailto:accelerator@artsfund.org) kung may anumang tanong. Upang i-preview ang aplikasyon, i-click [ito](#).

Talaan ng Nilalaman:

- Kalipikasyon
- Impormasyon tungkol sa Aplikasyon
  - Form ng Pinansiyal na Impormasyon
  - Form ng Mga Programa at Demograpiko
  - Pag-apply nang may Piskal na Sponsor
- WizeHive Grant Portal
- Pagsusuri, Pamantayan sa Ebalwasyon, at Pagtanggap ng Pondo

## Kalipikasyon

Ano ang mga kinakailangan para maging kalipikadong mag-apply sa Community Accelerator Grant?

- Ang Community Accelerator Grant ay inilaan upang pondohan ang sektor ng sining at kultura ng Estado ng Washington. Kalipikadong mag-apply ang mga 501(c)(3) na pampublikong kawanggawa, organisasyong may piskal na sponsor na isang 501(c)3 na pampublikong kawanggawa, at pantribong entidad na kinikilala ng estado o pederal na pamahalaan. Bukod pa rito, ang mga organisasyon ay dapat:
  - May pangunahing misyong gumawa at sumuporta sa mga aktibidad na pansining at pangkultura.
  - Umiiral na nang tatlo o higit pang taon.
  - May average na taunang badyet sa pagpapatakbo na \$25,000 o mas malaki noong FY2022, FY2023, at FY024 (nakabadyet).
- Kasama sa mga aplikanteng itinuturing na hindi kalipikado ang:
  - Mga indibidwal
  - Mga pribadong foundation
  - Mga for-profit na organisasyon
  - Mga organisasyong may politikal na adbokasiya
  - Mga organisasyon sa labas ng estado ng Washington
  - Mga simbahan at panrelihiyong organisasyon
  - Mga ahensiya ng pamahalaan, maliban sa mga pamahalaan ng tribo

#### **Limitado lang ba sa mga organisasyong pansining ang Community Accelerator Grant?**

- Ang oportunidad na ito sa pagpopondo ay para lang sa mga organisasyong may mga pangunahing misyong gumawa at sumuporta sa mga aktibidad na pansining at pangkultura.

#### **Ano ang mga kinakailangan para sa kalipikasyon ng mga tribo at pantribong entidad?**

- Ang mga tribong kinikilala ng estado o pederal na pamahalaan ay kalipikado at hinihikayat na mag-apply, hangga't natutugunan nila ang mga minimum na kinakailangan sa badyet at matatagpuan sila sa Washington. Dahil kasama sa trabaho at pang-araw-araw na pamumuhay ng mga tribo ang mga kasanayan sa pamanang kultura at sining, ituturing na kalipikado ang mga tribo kahit na wala silang pormal na pahayag ng misyon na sumasaklaw sa mga aktibidad sa sining at kultura. Ang mga tribong hinidi kinikilala ng pederal na pamahalaan o estado ay maaaring mag-apply bilang 501c3 na organisasyon o organisasyong may piskal na sponsor kung angkop.

Bukod pa rito, ang mga pantribong entidad na nakatuon sa mga aktibidad sa sining at kultura, gaya ng mga kagawaran ng kultura o mga museo ng tribo, ay kalipikadong mag-apply para sa pagpopondo kung natutugunan nila ang mga minimum na kinakailangan sa badyet. Maaaring mag-apply ang maraming entidad na nauugnay sa iisang tribo kung natutugunan ng bawat isa ang pamantayan para sa kalipikasyon. Huwag mag-atubiling makipag-ugnayan sa pangkat na tagapagkaloob ng grant kung may anumang tanong.

#### **Puwede bang mag-apply ang isang organisasyon upang pondohan ang partikular na programang gumagawa o sumusuporta sa mga aktibidad na pansining at pangkultura, kahit na hindi ito ang pangunahing misyon ng organisasyon?**

- Hindi. Ang oportunidad na ito sa pagpopondo ay nakalaan lang sa mga organisasyong may pangunahing misyong gumawa at sumuporta sa mga aktibidad na pansining at pangkultura. Ang mga programang may mga ganitong kategorya na pinatatakbo ng mga organisasyong may mas malalawak na misyon ay hindi kalipikado para sa oportunidad na ito.

**Paano ko kakalkulahin ang taunang average na badyet sa pagpapatakbo ng aking organisasyon?**

- Pakigamit ang cycle ng piskal na taon ng iyong organisasyon upang kalkulahin ang iyong taunang average na badyet sa pagpapatakbo. Idagdag ang iyong kabuuang kita para sa mga badyet sa pagpapatakbo noong FY22 at FY23 sa nakabadyet na kita para sa FY24. Hatiin sa 3 ang numerong ito. Kung katumbas o mas malaki sa \$25,000 ang numerong ito, natutugunan ng iyong organisasyon ang kinakailangang badyet.

**Kung may piskal na sponsor ang aking organisasyon, angkop ba ang \$25,000 na minimum na kinakailangan sa badyet sa aking organisasyon o sa aking 501(c)3 na piskal na sponsor na organisasyon?**

- Ang kinakailangang \$25,000 na minimum na badyet ay ipinapataw sa iyong organisasyon, hindi sa iyong piskal na sponsor. Pakalkula ang taunang badyet sa pagpapatakbo para sa *iyong* organisasyon.

**Kung \$25K ang minimum na badyet sa pagpapatakbo, mayroon bang maximum na badyet?**

- Wala.

**Nasa Oregon/Idaho ang aking organisasyon, pero residente ng Washington ang marami naming kalahok, puwede ba kaming mag-apply?**

- Hindi. Kahit na naglilingkod ang iyong organisasyon sa mga residente ng Washington, nasa Estado ng Washington dapat ang iyong organisasyon upang maging kalipikado.

**Kung kalipikado (o hind kalipikado) ang aking organisasyon para sa pagpopondo ng Community Accelerator Grant noong 2023, magiging kalipikado ba (o hindi kalipikado) ulit ang aking organisasyon sa 2024?**

- Ang lahat ng organisasyon, kasama na rito ang mga bagong aplikante at mga aplikante noong 2023, ay susuriin kung kalipikado sila sa 2024. Ang mga organisasyong hindi kalipikado noong 2023 ay maaaring maging kalipikado na sa 2024, depende sa sitwasyon. Ang kalipikasyon para sa grant noong 2023 ay hindi naggagarantiya ng kalipikasyon sa 2024.

**Kalipikado bang mag-apply ang mga kasalukuyan o dati nang napagkalooban ng ArtsFund? Mas posible bang mapondohan ng grant na ito ang mga napagkalooban na ng ArtsFund?**

- Ang mga kasalukuyan o dati nang napagkalooban ng ArtsFund ay kalipikadong mag-apply, kung matutugunan nila ang iba pang kinakailangan para sa kalipikasyon. Ang katayuan bilang kasalukuyan o dati nang napagkalooban ng ArtsFund ay hindi makaaapekto sa posibilidad na makatanggap ng pondo ang iyong organisasyon. Ang mga kasalukuyan o dati nang napagkalooban ng ArtsFund ay hindi ginagarantiyang mapopondohan sa tulong ng programang ito.

**Kalipikado bang mag-apply ang mga organisasyong pangkultura?**

- Ang mga organisasyong pangkultura ay kalipikadong mag-apply, kung may ginagawa silang makabuluhan sa larangan ng sining. Makipag-ugnayan sa [accelerator@artsfund.org](mailto:accelerator@artsfund.org) kung hindi ka sigurado kung kalipikado ang iyong organisasyon.

**Impormasyon tungkol sa Aplikasyon**

Anong impormasyon ang hinihiling sa aplikasyon?

- Dapat munang sagutan ng lahat ng aplikante ang Eligibility Profile Form (Form ng Profile ng Kalipikasyon) sa portal ng aplikasyon. Magiging available lang ang mga form ng aplikasyon pagkatapos mong sagutan ang form na ito.
- Ang aplikasyon ay may apat na seksiyon:
  - Isang Form ng Pangkalahatang Impormasyon
  - Isang Form ng Pinansiyal na Impormasyon
  - Isang Form ng Mga Programa at Demograpiko
  - Isang Form ng Paghiling sa Automated Clearing House (ACH)

#### **Mayroon bang mga naratibong tanong sa aplikasyon?**

- Walang kinakailangang naratibong tanong sa aplikasyong ito. Ang ilang form ay naglalaman ng mga opsiyonal na kahon ng komento na makatutulong sa iyo upang magbigay ng konteksto o paglilinaw kung kailangan; hindi nilalagyan ng iskor ang mga komento.

#### **Form ng Pinansiyal na Impormasyon**

**Sa chart ng impormasyon ng organisasyon, hinihiling na ilagay ng mga organisasyon ang pinansiyal na datos para sa FY2022 at FY2023 (at FY2024 na nakabadyet). Aktuwal ba o mga badyet ang mga ito?**

- Pakigamit ang mga aktuwal para sa mga natapos nang piskal na panahon (FY2022 at FY2023) at gamitin ang mga nakabadyet na halaga para sa piskal na taong hindi pa tapos (FY2024).

#### **Ano ang pinagkaiba ng kinita at kinita mula sa kontribusyon?**

- Ang kinita ay anumang pondong natanggap na direktang kapalit ng produkto, programa, o serbisyo; kabilang na rito ang bayarin para sa programa, income sa kontrata, pagbebenta ng tiket, concession, bayad para sa membership, at item sa gift shop. Ang income mula sa kontribusyon ay anumang pondong natanggap na hindi direktang kapalit ng produkto, programa, o serbisyo; kasama na rito ang pondo ng grant, indibidwal na donasyon, pondo ng gobyerno, suporta ng foundation, at sponsorship.

#### **Bakit magkahiwalay ang “gastusin sa tauhan” at ang gastusin sa pagpapatakbo?**

- Ang gastusin sa tauhan ay kasama dapat sa iyong linya ng gastusin sa pagpapatakbo (kung angkop). Hinihiling namin ang numerong ito nang nakahiwalay at para na rin sa mga layunin sa pananaliksik at adbokasiya. Ang gastusin sa tauhan ay ang gastusin lang na nauugnay sa mga halagang nasa payroll; kabilang na rito ang mga suweldo, sahod, insurance sa payroll, at benepisyo ng empleyado. Ang mga stipend at nakakontratang serbisyo ay hindi kasama sa categoryang tauhan. Kung walang binabayaran ang kawanihan ang iyong organisasyon, pakilagay ang 0.

#### **Bakit itinatang sa aplikasyon kung paano namin gagamitin ang pondo?**

- Ang tanong na ito ay upang maunawaan ang pangangailangan ng mga organisasyon sa sektor ng sining at kultura ng Washington. Hinihiling namin ang impormasyong ito para sa mga layunin sa pananaliksik at adbokasiya. Hindi gagamitin ang sagot na ito upang kalkulahan ang igagawad sa iyo.

#### **Form ng Mga Programa at Demograpiko**

**Ano ang ibig sabihin ng “pagsentro” sa mga boses ng mga taong kumikilala sa kanilang sarili bilang BIPOC, LGBTQ+, at mga taong may mga kapansanan?**

- Ginagamit namin ang salitang “pagsentro” sa halip na “pagsasama” upang makapagsaad ng mas malalim na antas ng pakikipag-ugnayan. Isinasaad ng salitang “pagsentro” na ang mga boses ng

mga partikular na populasyon ay hindi lang isinasama o iniimbitahang lumahok sa mga programa ng isang organisasyon, kundi iyon din mismo ang pinagtutuunan ng mga bagay na ginagawa ng isang organisasyon. Ang mga tao mula sa mga nakasentrong populasyon ay nagbabahagi ng sarili nilang mga kuwento, at nilalayong maiangkop sa kultura ang mga programa batay sa kanilang mga karanasan.

### **Para sa mga layunin ng survey ng demograpiko, ano ang kahulugan ng kawanihan?**

- Para sa mga organisasyong may dalawa o higit pang binabayaranang kawani: isama ang lahat ng kawaning nasa payroll (mga taong binabayaran ng sahod o suweldo, hindi stipend o kita sa kontrata.)
- Para sa mga organisasyong may isang binabayaranang kawani, o organisasyong pinatatakbo ng mga boluntaryo na walang binabayaranang kawanihan: isama lang ang mga boluntaryong may mga tungkuling mamuno, mangasiwa, o magkoordina ng programa at may mahalagang antas ng responsibilidad upang pamahalaan ang organisasyon o grupo. Ang ilang halimbawa ng mahahalagang posisyon ng boluntaryo ay maaaring kabilangan ng direktor o tagapangasiwa ng programa.

### **Kailangan ba naming sagutan ang survey ng demograpiko? Kung hindi ko gustong magbigay ng impormasyon para sa aking lupon o kawanihan, puwede ko bang gamitin na lang ang “hindi alam/mas gustong hindi sumagot/hindi angkop” para sa lahat ng miyembro ng lupon/kawanihan?**

- Humihingi kami ng demograpikong datos upang matulungan kaming tukuyin ang mga organisasyong may mga kawani at lupong lubos na naikakatawan mula sa isa o higit pa sa mga sumusunod na nakasentrong populasyon: Itim, Katutubo, at iba pang Taong may Kulay; mga taong may mga kapansanan; at mga taong LGBTQ+.
- Hinihikayat ang mga aplikante na sumagot nang kompleto hangga't maaari para sa mga kawani o pangunahing grupo ng mga boluntaryo ng kanilang organisasyon (kung angkop). Kung nanaisin mo, maaari kang hindi magsama ng anumang demograpikong impormasyon kung pipiliin ang “hindi alam/ayaw sumagot” para sa mga kawani o pangunahing boluntaryo (kung angkop).
- Kahit na hindi kompleto ang iyong datos, hinihikayat ka namin na punan ang mga form na ito nang may pinakamaraming impormasyon na mayroon ka at gamitin ang opsiyong “hindi alam/ayaw sumagot” kung kailangan.

### **Paano kung walang lupon o nangangasiwang grupo ang aking organisasyon?**

- Sa aplikasyon, piliin ang “Wala” sa tanong na “Mayroon bang lupon o nangangasiwang tagapayong grupo ang iyong organisasyon?” Ang mga aplikanteng pipili ng “Wala” sa tanong na ito ay hindi hihilinging magbigay ng demograpikong impormasyon ng lupon.

### **Paano kung sa palagay ko ay hindi sumasalamin sa kawanihan at/o lupon ng aking organisasyon ang mga pagkakakilanlang lahi na kasama sa form ng demograpiko?**

- Nauunawaan namin na komplikado, lubos na personal, at masalimuot ang mga pagkakakilanlan ng lahi. Kung higit sa isang pagkakakilanlan ang angkop, hinihikayat ka namin na pumili ng “dalawa o higit pang lahi.” Kung hindi kinakatawan ang isang pagkakakilanlan, iminumungkahi namin na piliin mo ang “iba pang nag-iisang lahi.” Hinihikayat ka namin na magbahagi ng dagdag na paglilinaw sa nakalaang kahon ng komento, kung nanaisin mo.

### **Paano gagamitin at itatabi ang demograpikong datos na ibinabahagi ko sa form na ito?**

Nauunawaan ng ArtsFund na ang pagkolekta ng demograpikong datos mula sa iyong mga kawani at lupon ay puwedeng magdulot ng mga hamon sa logistics at personal, lalo na kung ang iyong organisasyon ay binubuo ng at/o nakasentro sa mga miyembro ng mga marginalized o naisasantabing komunidad. Dahil dito, gusto naming magbahagi ng kaunting impormasyon kung bakit namin hinihiling ang datos na ito, kung paano ito ginagamit, at kung paano ito itinatabi. I-click **ito** upang makita ang aming Pahayag sa Paggamit ng Datos.

### **Pag-apply nang may Piskal na Sponsor**

#### **Anong impormasyon at dokumentasyon ang kailangan ko mula sa aking piskal na sponsor upang makompleto ang aking aplikasyon?**

- Isang nilagdaan liham ng kasunduan sa pagitan mo at ng iyong piskal na sponsor. Pakitingnan ang halimbawang liham dito.
- EIN (Numero ng Pagkakakilanlan ng Employer) ng Piskal na Sponsor
- Pinadadalhang Address ng Piskal na Sponsor
- Isang contact sa iyong piskal na sponsor na organisasyon
- Impormasyon sa bangko ng Piskal na Sponsor upang makompleto ang ACH Payment Form (Form ng Pagbabayad sa ACH), sumangguni sa preview ng aplikasyon para sa iba pang impormasyon.

#### **Nasa Washington ba dapat ang aking piskal na sponsor na organisasyon?**

- Hindi, ang iyong organisasyon ay maaaring magkaroon ng piskal na sponsor na isang 501(c)3 na organisasyon sa ibang estado ng US.

#### **Kailangan bang matugunan ng aking piskal na sponsor na organisasyon ang iba pang mga kinakailangan para sa kalipikasyon?**

- Hindi, ang mga kinakailangan para sa kalipikasyon ay para sa iyong organisasyon, hindi sa iyong piskal na sponsor.

#### **Ano ang piskal na sponsorship?**

- Ang piskal na sponsorship ay kasunduan sa pagitan ng isang 501(c)(3) na pampublikong kawanggawa at iba pang entidad o proyekto kung saan tumatanggap o nagbibigay ng pondo ang 501(c)3 na kawanggawa upang maisulong ang entidad o proyekto, nang hindi nawawala ang kakayahan nitong magpasya o kontrolin ang mga pondo.

#### **Matutulungan ba ako ng ArtsFund na makakuha ng piskal na sponsor?**

- Hindi, hindi matutulungan ng Kawanihan ng ArtsFund ang mga indibidwal na aplikante upang makakuha ng piskal na sponsorship.

#### **Puwede bang kumilos ang aking 501c3 na organisasyon bilang piskal na sponsor ng ibang organisasyon at mag-apply rin para sa isang Community Accelerator Grant?**

- Oo, puwedeng mag-apply ang mga 501(c)3 na organisasyon para sa Community Accelerator Grant para sa sarili nilang organisasyon at puwede rin silang hiwalay na kumilos bilang piskal na sponsor para sa isa o higit pang organisasyong walang sariling katayuang 501(c)3 na nagnanais ding mag-apply. I-evaluate nang magkakahiwalay ang mga aplikasyon para sa mga piskal na sponsor na organisasyon at sa kanilang mga piskal na inii-sponsor.

### **WizeHive Grant Portal**

#### **Kailan magsisimula ang aplikasyon?**

- Ipo-post ang link para sa aplikasyon sa [web page ng Community Accelerator Grant](#) nang **12:00 ng tanghali sa Pebrero 5**. Ang deadline sa pag-apply ay **5:00 p.m. sa Marso 5**.

#### **Puwede bang magbago ang deadline ng aplikasyon?**

- Hindi. Hindi namin matatanggap ang mga aplikasyong lampas na sa deadline.

#### **Kailangan ko bang tapusin ang aplikasyon ko nang isang upuan lang? Puwede ba akong tulungang sumagot ng ibang tao mula sa aking organisasyon?**

- Hindi, puwede kang mag-log in sa iyong WizeHive account para gumawa ng pagbabago sa iyong aplikasyon anumang oras sa panahon ng aplikasyon (12:00pm sa Pebrero 5 hanggang 5:00pm sa Marso 5). Makakapag-set up ka ng WizeHive account kapag nagbukas na ang portal ng aplikasyon sa Pebrero 5. Isang tao lang sa bawat organisasyon ang puwedeng gumawa ng mga kredensiyal sa pag-log in, na puwedeng ibahagi sa iba.

#### **Paano kung mapagtanto kong nagkamali ako sa aking aplikasyon pagkatapos ko itong isumite? Maitatama ko ba ito?**

- Kapag naisumite na ang aplikasyon, hindi na ito mae-edit pa. Kung kailangan mo itong itama bago ang deadline ng aplikasyon, makipag-ugnayan sa [accelerator@artsfund.org](mailto:accelerator@artsfund.org) o tumawag sa (206) 210-4670.

#### **Kung kailangan ko ng karagdagang teknikal na tulong sa aking aplikasyon, kanino ako makikipag-ugnayan?**

- Puwede kang makipag-ugnayan sa kawanihan sa ArtsFund: mag-email sa [accelerator@artsfund.org](mailto:accelerator@artsfund.org) o tumawag sa (206) 210-4670 para sa karagdagang tulong o tanong.
- Magdaraos ng isang webinar para sa pampublikong impormasyon sa ika-24 ng Enero nang 9:30 a.m. Ang isang oras na webinar na ito ay gagabay sa mga interesadong aplikante sa proseso ng aplikasyon, magbibigay ng pananaw tungkol sa mga pagbabago sa kalipikasyon para sa ika-2 Taon, bibigyang-diin ang mga update sa aplikasyon ngayong taon, at maglalaan ng oportunidad para sa pagtatanong sa kawanihan ng ArtsFund. Pakitandaang irekord ang webinar na ito at ipakikita sa website ng ArtsFund. Ang recording ng webinar na ito ay magtatampok ng propesyonal na captioning sa wikang English, Spanish, Mandarin, Russian, Vietnamese, Tagalog, French, Portuguese, at Korean, at mapapanood na sa Pebrero 7, 2024 o bago sumapit ang petsang ito.

#### **Gaano katagal bago matapos ang aplikasyon?**

- Tinatantiya namin na aabutin nang 3 hanggang 10 oras ang pagsagot sa aplikasyon para sa grant na ito: 2-7 oras sa pangangalap ng materyales para sa aplikasyon at 1-3 oras sa pagsagot sa mismong aplikasyon.

#### **Paano ako makakakita ng kopya ng aplikasyon ng aking organisasyon para sa Community Accelerator Grant noong 2023?**

- Pumunta sa [portal ng pagsusumite sa taong 2023](#) at mag-log in sa WizeHive account na ginamit upang isumite ang aplikasyon ng iyong organisasyon noong 2023. Doon, makikita mo ang mga isinumiteng form noong 2023. Pakitandaan na magagamit lang bilang sanggunian ang portal sa pagsusumite sa taong 2023; kailangan mong isumite ang lahat ng impormasyon nang hiwalay para sa iyong aplikasyon sa 2024 gamit ang portal ng pagsusumite sa taong 2024. Mag-email sa [accelerator@artsfund.org](mailto:accelerator@artsfund.org) upang humingi ng tulong sa pag-access sa iyong account, kung kailangan.

## Pagsusuri, Pamantayan sa Ebalwasyon, at Pagtanggap ng Pondo

### Ano'ng mangyayari pagkatapos kong isumite ang aking aplikasyon?

- **Susuriin ng Pangkat na Tagapagkaloob ng Grant ng ArtsFund ang lahat ng aplikasyon para sa kalipikasyon.** Kung kailangan, maaaring makipag-ugnayan sa iyo ang kawanihan ng ArtsFund upang humiling ng paglilinaw at mas mahusay na mapagpasyahan ang kalipikasyon ng iyong organisasyon para sa pondo.

### Kailan pagpapasyahan ang pondo?

- Aabisuhan ang mga organisasyon tungkol sa katayuan ng paggawad sa kanila sa pagsapit ng Mayo 31, 2024. Ipamamahagi ang pondo sa pamamagitan ng pagbabayad sa ACH sa pagsapit ng Hunyo 30, 2024.

### Sino ang nagpapasya sa paggawad ng grant?

- Ang pagpapasya sa paggawad ng grant ay ginabayan ng isang **Panel na Tagapayo sa Komunidad** na kumakatawan sa pagkakaiba-iba sa heyograpika at demograpiko ng Estado ng Washington. Magsisikap ang panel na tiyaking nailalapit sa mga apektadong komunidad ang pagpapasya hangga't maaari. Puwede mong alamin pa ang tungkol sa mga miyembro ng Panel na Tagapayo sa Komunidad ng Taong 2024 sa aming website, [na naka-link dito](#).

### Malawak ang saklaw ng halagang maigagawad na nasa pagitan ng \$2,500 at \$25,000. Paano ninyo malalaman kung magkano ang makukuha ng bawat isa?

- Lalagyan ng iskor ang mga aplikasyon batay sa isang hanay ng mga pamantayang pagpapasyahan ng Panel na Tagapayo sa Komunidad. Ang pamantayan sa ebalwasyon ay idinisenyo upang matasa ang kalagayan ng organisasyon at upang mabigyang-prioridad ang pagpopondo sa mga organisasyong nagesentro sa BIPOC, LGBTQ+, mga taong may mga kapansanan, at mga populasyon sa kanayunan.

### Kung Gagawaran

#### Kailangan ko bang iulat na ginamit ang pondo sa paraang iniulat sa aplikasyon? Maparurusahan ba ang aking organisasyon kung gagamitin namin ang pondo para sa ibang larangan?

- Hindi. Hindi kailangang magbigay ng ulat para sa grant na ito. Walang restriksiyon ang mga grant, at dapat gamitin ng mga recipient na organisasyon ang dolyar ng grant sa paraang akma sa kanila.

#### May kahit ano bang restriksiyon kung para saan gagastahin ang pondo?

- Oo. Bagaman iginagawad ang pondo bilang suporta sa pangkalahatang pagpapatakbo na walang restriksiyon, at dapat maramdaman ng mga organisasyon na may kalayaan silang idirekta ang dolyar ng grant sa paraang akma sa kanila, hindi pinapayagan ang mga sumusunod na paggastos:
  - Mga serbisyo at/o tulong na nag-aatas sa mga tao na lumahok sa anumang panrelihiyong workshop, gawain, o pagtuturo bilang kondisyon ng pagtanggap ng tulong; panrelihiyong workshop, gawain, o pagtuturo.
  - Personal na gastusing hindi pangnegosyo (hal., mortgage ng bahay, personal na utility at gastusin).
  - Anumang ilegal na aktibidad.



**Kung magagawaran ang aking organisasyon, puwede ba naming “i-regrant (igawad muli)” ang pondo sa ibang organisasyon o mga organisasyon?**

- Dahil walang restriksiyon ang pondong ito, mawawalan na ng kontrol ang ArtsFund sa pondo kapag nailabas na ito. Maaaring magkaloob ang iyong organisasyon ng pondo sa ibang benepisyaryo kung ninanais; gayunman, pakitandaang responsibilidad ng iyong organisasyon na tiyaking ginagamit ang pondo para sa mga layuning pangkawanggawa ayon sa hangarin ng grant na ito.